

第一三二冊

方輿彙編

職方典

瑞州府部

袁州府部

贛州府部

(卷)

九〇五—九二〇

九二一—九二六

九二九—九三〇

古今圖書集成

中華書局影印





四

古今圖書集成

平定縣志

欽定古今圖書集成方輿彙編職方典

第九百五卷目錄

瑞州府部彙考一

瑞州府建置沿革考

瑞州府疆域考

有圖

形勝附

瑞州府星野考

瑞州府山川考一

職方典第九百五卷

瑞州府部彙考一

瑞州府建置沿革考

本府

通志

禹貢揚州之域春秋屬吳越戰國屬楚秦屬九江郡漢初爲豫章郡之建城縣後析置上蔡縣晉改望蔡縣漢迄隋析合廢置不一皆屬豫章云唐改建城爲高安始卽縣置靖州統高安望蔡宜豐陽樂華陽五縣尋改米州復改筠州已而廢州并四縣入高安屬洪州南唐復置筠州宋爲高安郡後改瑞州以郡治產瑞芝故也元爲瑞州路明爲瑞州府屬江西布政使司領縣三

皇清因之領縣三

高安縣

附郭

漢豫章郡之建城縣地東漢因之析置上蔡縣三國吳復析地置陽樂宜豐二縣晉改爲望蔡康樂地隋改入建城縣唐改建城爲高安析置

華陽後復併同各縣入高安南唐析地置上高萬載清江縣宋又析地置新昌縣元屬瑞州路明屬瑞州府

皇清因之編戶二百九十里

新昌縣

漢本建城地三國吳分置宜豐縣晉地併入望蔡梁復置隋併宜豐入建城唐初復置尋併入高安南唐復以宜豐地爲鹽步鎮屬高安宋割高安上高太和等八縣地置茲縣元陞爲州屬瑞州路明復爲縣屬瑞州府

皇清因之編戶一百二十三里

上高縣

漢本建城地東漢以汝南上蔡民徙建城析置上蔡縣晉以上蔡人思本土改曰望蔡隋其地併入建城唐初併望蔡入高安尋以望蔡在高安上游乃置上高鎮南唐易鎮爲場尋陞場爲縣本高安縣上鎮以地形高上故得此名宋復析地置新昌縣屬瑞州軍元屬瑞州路明屬瑞州府

皇清因之編戶一百六十七里

瑞州府疆域圖



瑞州府疆域考

本府

通志府志合載

東至南昌府新建縣界五十五里  
西至袁州府萬載縣界一百八十里  
南至臨江府清江縣界六十里  
北至南昌府奉新縣界三十五里  
自府治至省城一百二十里至  
京師四千九百六十五里  
東西廣二百三十五里南北袤九十五里

高安縣

高安附邑也東至南昌府新建縣界五十五里

西至新昌縣界四十里

南至臨江府清江縣界六十里

北至南昌府奉新縣界三十五里

東西廣一百里南北袤九十五里

新昌縣

府南一百二十里爲新昌東至高安縣界七十五里

西至袁州府萬載縣界六十里

南至上高縣界三十里

北至寧州界八十里

東西廣一百三十五里南北袤一百一十里

上高縣

府西南一百里爲上高東至高安縣界六十里

西至袁州府萬載縣界九十里

南至臨江府新喻縣界三十里

北至新昌縣界一十五里

東西廣一百五十五里南北袤四十五里

形勝附

本府

洪駒父職方乘吳頭楚尾

宋曾鞏筠州學記大江之西其地僻絕

宋蘇轍聖壽院記郡居溪山之間

蜀江志負鳳山面錦水斷崖深壑宛若洞府

舊志華林米嶺擁其後荷山巖嶺拱其前

筠陽八景附

鳳山飛羽 山在府治後一名碧落有一洞每

遇立春日有五色羽在洞中軒舞今漸湮

錦水翔虹 水在府前亦名蜀江許旌陽投藥

於此有浮橋連南北二城建自唐宋五代

大愚晚唄 山在府治東南有真如寺本大愚

禪師所居宋呂祖儉上書忤韓侂胄安置此地

寓寺中因自號大愚叟

小洞秋英 山在府治西北府學之右有洞山

清規寺蘇轍與太守毛維瞻遊此探菊有詩

龍潭化雨 潭在府治西唐幸南容孫潭隱此

成仙今禱雨輒應

仙洞雲迷 洞在府治後圃即李八百棲隱處

蘇穎濱飲憩於此有詩

葫蘆仙井 在府治西逍遙山有妙真宮李仙

修真處其水大旱不乾

靈岫神光 山在府南亦名錫山每風雨之夜

有赤光如斗炳耀四鄰

高安八景附

荷山象石 池在縣南山中多紅蓮王子喬駕

白象遊此山化爲石象今有丁王二仙壇棲霞

觀黃金城亦名小浮丘

仁濟鯨濤 橋在縣前陶蜀江高照城西賈客

檣帆遇洪水浮橋即開藉此往來其聲如雷

華林靈跡 山在縣西北西王母第九子元秀

真人騎鶴至此築壇祭靈仙

集仙古柏 觀在縣西南

來蘇古渡 渡在縣東蘇轍有詩

花塢貞泉 井在縣北通判姜榮妾竇姬死節

處按祠碑姬京師人

白鶴仙蹤 山在縣西北晉丁仙姑飛昇於此

新昌縣

通志山環若城水遶如帶南屏翰苑北枕石門

桂嶺螺山東西對峙鹽溪一派曲折於祿陂顧

淵之間然後會凌江而東注

八景附

九峰雪霽 山在縣西有九峰奇峭盡天內多

奇勝

醉石雲迷 石僅如拳在古岡山清水橋下陶

淵明嘗醉臥於此

濯衣春漲 溪在縣東許旌陽濯衣處

洗墨清流 池在縣東陶淵明洗墨處

柳齋棋局 石在故里橋陶潛隱居奕碁古跡

夜合靈跡 石在縣東北洞山寺水口二石晝

開夜合又有鹽井自然之利可供寺衆之需取

之不盡明成弘間因僧廢產射利古蹟遂不復

驗

瑞芝仙跡 亭在縣治內宋邵叶令此三月產

芝於便坐黃庭堅記

黃蘗飛泉 在縣西有瀑布泉唐宣宗爲沙彌

時與黃蘗禪師觀賞於此其廡和詩中有終歸

大海作波濤之句後人謂此語雖有復登天位

氣象然唐朝終無安瀾之治豈亦波濤之識耶

飛躍文峯 亭在縣南異方胡令新建亭三層

如塔以鎮北方水口



上高縣

縣志云蒙巒左峙末山右聳蜀水中互敖峰後遶

八景附

鏡山夕照 山在縣東上有三圓端如鏡對峙為縣治後照

末山雁字 山在縣治西東連九峯

鷺洲靈跡 洲在羅漢石之東地鈴云鷺洲合

狀元生

雲樓眺遠 樓在縣西宋時所建其高可以望遠

寶蓋朝嵐 山在縣南嵌岩葱鬱有僧廬曰寶雲

天嶺慈光 山在縣西緣梯而登有門可入常有異光

蒙嶺奇雲 山在縣南峭壁橫嶮常有奇雲罩覆

章水觀魚 其潭深不可測多巨鱗出沒水清可矚

瑞州府星野考

府志

府屬總

舊志本府古豫章郡地晉書天文志及明清類天文分野書並云豫章入斗十度今乃稱入斗十三度終十四度此猶不甚相遠及按唐書天文志則云豫章訖會稽南逾嶺微為越分夫越屬牛度而牽牛去南河浸遠則本府安見其果屬斗分否耶且按晉書隆安四年太陰犯牽牛而是年豫章水災則屬牛似乎有驗總之此說不能無疑今姑存之

瑞州分野起南斗十三度四分終十四度四分有奇按春秋傳在列國謂之分星在九州謂之星土星紀為越之分星而為揚州之星土劉向曰吳越屬斗牛女分漢書地理志曰吳斗分野晉書曰斗牽牛須女吳越揚州唐書曰豫章星紀之分宋史天文志南斗六星魁第一星主吳二會稽三丹陽四豫章五廬江六九江按南斗二十五度每一星得四度一分有奇豫章起斗十二度六分終十六度六分有奇以地理分之每百里得九分之一有奇諸郡居瑞之首者三百六十餘里繼瑞之尾者一千二百七十餘里然則瑞之分野豈非起南斗十三度四分終十四度四分有奇也哉  
瑞州次舍星紀丑位按晉書自南斗十二度至須女七度為星紀於辰在丑吳越之分野屬揚州丑位即星紀次舍斗牛二宿麗焉瑞州既起斗十三度終十四度其次舍當在星紀

麗屬瑞州麗北斗權星三台司命星按史記天官書二十八舍主十二州斗兼之雍屬弼星翼屬樞星亢青屬機星徐揚屬權星荆屬衡星梁屬開陽豫屬搖光此以九州而屬北斗星有七州有九并青于亢合揚於徐故以七星而主九州也瑞當屬斗之權星又宋史云上台主兗豫下星主荆揚中台上星主梁雍下星主冀下台上星主青下星主徐瑞州當麗上台之下星占候主熒惑星五車星星經熒惑主揚荆又曰主楚吳越瑞州古揚州吳越之地凡有灾祥當占於熒惑之所經行又按宋史五車在畢宿北西北大星曰天庫主秦分東北一星曰天獄主燕趙分東南一星曰天倉主魯衛分及徐并州次東南一星曰司空主楚分西南一星曰卿主魏分及益州三星主五穀豐耗瑞州舊屬楚占五穀者必於司空星占焉

瑞州府山川考一

府志

本府

高安縣附郭

鳳凰山 在府治後一名五龍岡相傳唐武德時應知項作守鳳凰集於此山  
逍遙山 在府治西北即鳳凰山餘脈唐元和十年徙元陽觀於其上今有宋所建妙真宮  
大愚山 在府治東行春門外上有真如寺宋蘇轍詩東郊大愚山自古蒼荀林呂祖儉上書忤權臣安置瑞州寓寺中因號大愚叟



小洞山 在府治西北有清規寺宋蘇轍與太守毛維瞻嘗遊此探菊有詩明知府夏景建清風亭

龍化山 在府城西上蔡門外舊傳東晉時有龍乘雲化去故名

荷山 在府城南二十五里山中有池多紅蓮故名

米山 在府城北二十五里豫章記此山四面流泉土地膏沃生禾香茂爲米精美

釣山 在府城南三十里山巔有劉仙洞

飛霞山 在府城西七十里相傳吳真人煉丹之地每齋醮常有鶴數百棲息於此旬日復去多綵霞覆山上故名

鳳嶺山 在府城西七十里唐靖州刺史應智頊屯兵之地嶺勢峻拔遠望如鳳

龍珠山 在府城西北五十里下有石圓如珠更有奇石生成以易二字倒插凌霄文士多以易發科甲上有菩提菴

蓮花山 在府城西四十二里峯巒攢簇如蓮花

梅墩山 在府城西四十里下有靈寶觀卽梅子煉丹之所

坡山 在府城西四十五里因東坡遊此故名在梅墩之南

社山 在府城之西四十里豫章記南有樟木枝葉鬱茂上多奇鳥棲止土人異之立爲社壇歲時祈禱

西龍山 亦名鷄籠山在府城西四十五里高數百仞蜿蜒起伏如龍來自西北又其形如鷄籠故名上有石牆仙壇下有古洞天將雨則雲霧以興

馬鞍山 在府城東南二十里其形儼若馬鞍

華林山 在府城東南二十里

羊山 在府治南四十里又名石灰嶺宋山川記云山產燃石

白雲山 在府城西北七十里下有超果寺寺東西有澗皆有瀑布柳州教授孫伯溫有記謂之小麻姑

白鶴山 在府城北七十里

敗伏山 在府城南一百里陳武帝於此破賊伏軍故名

謝山 在府城西北一百里上有奇峰怪石謝仙君煉丹之地丹竈履跡猶存

慈雲峰 在府城西北六十里張無盡曾遊此有詩

台峯 在府城西北三十里斜谿之西三峰如台星故名

陰岡嶺 在府城西南八十里有墟市設巡檢司

龍珠嶺 在府城西北四十里山下有石光圓如珠

鷄籠嶺 在府治西南六十里以形似名高數百仞其上多產異草入藥靈應遊者攀緣而上循石壁下有壇并洞歲旱禱雨必應

石鼓嶺 在郡城之西與府學對峙下有潭上有石鼓臥牛石石上有仙跡說者謂其嶺高曠弗峭文士多晦知府鄭璠伐石壘塔其上卓然如筆

主嶺 在府城西北近華林山有南北嶺三寶嶺皆山勢危峻明正德七年官兵分屯於此以討華林山盜

李家嶺 在府城西北六十里有石洞民多避寇於此

虎跡嶺 在府城西南五十里劉屯田故居南

唐晏仙騎虎飛昇之地

五龍岡 在府城西北鳳凰山之舊翼下有潭深數仞上有廟舊傳先祀漢潁陰侯灌嬰後祀刺史應智頊今爲城隍廟

龍岡 在府城東一里梁太清間爲龍岡寺唐卽其地建靖州今爲禪寂院

退田岡 在府城西北二十里相傳兄弟爭田至此而悔故名

青石岡 在府城西北二十里暴雨後有石錢石磨等物如指頭大者甚多

春洞 在府城後碧落山每遇立春日洞中陽氣吹灰出外以鷄鵝羽貯其中試之輒軒舞而出古諺有袁州更鼓瑞州春謂此

遼山洞 在府城西北四十里洞中寬敞而門隙中有竅光可以避兵

呀口石 在縣近華林山明正德間劇賊陳樞一自詭其神殺人祀之用以駭衆



燃石 在府城南四十里羊山上宋山川記云  
上有燃石以水沃之即燃措鼎可烹

火石 在府城北其石黑色如鐵相傳丁仙姑  
煉成者丁氏覆以亭祀之

珠石 在府城西北六十里山形如龍人傳是  
龍所戲珠也

鮎魚洲 在府城東二十五里當錦江水口之  
衝中流突起竹木縈迴春夏水溢洲隨水長秋  
冬四周白沙如雪上有樓閣可供遊眺

鐘口江 在府城南三十七里源發荷山入蜀  
江梁時人於此獲古鐘

蜀江 源出袁州府萬載縣龍河渡流至上高

凌江合新昌滕江歷郡城而東匯於南昌之象  
潭而入章江世傳許遜因郡人疫癘與器水投  
上流疾者飲之無不愈邑人以所授器水即蜀

濯錦江之水故名蜀江亦曰錦水

清湖 在府城東一十五里其水四時清瑩

珠湖 在府城南一十八里世傳丁王二仙遺  
珠於此

藥湖 在府城西南二十五里昔呂洞賓棄藥  
於此

隱泉水 在府城南三十里均山之東北泉沸  
湧出於平田自三十六陂流出曲水橋入清江  
界合於贛水

曲水 在府城南六十里源發蒙山流出潦許  
口東入贛江其勢迴環縈合故名

鳴水 在府城西北六十里北流合奉新江華

陽實錄云碧澗飛流空谷振響絕頂有石高數  
丈以物扣之其聲如鼓故名

龍口水 在府城西北六十里一名談口水源發  
蛟湖北流至花園埠入蜀江

華陽水 在府城西南一百里源發新喻縣界  
流入蜀江

白練湖 在縣治後

銅湖 在府城信義鄉注田數千頃

進龍池 在府治東南流入蜀江世傳昔風雨  
晦明龍進於中故名

鳳池 在府治南鳳凰山之旁宋時作澄碧亭  
於上

飲馬池 在府城北五十里浮雲山相傳應智  
項義兵屯駐山下飲馬於池

市溪 在府城一名市河蜀江水自靖安門流  
入城中派經三讓橋世濟橋迤邐而東出朝陽

門復會入江

碧溪 在府城自幸龍王廟前流經通眞橋至  
府學前入蜀江

務農溪 在府城東三十里源發新建縣界至  
高安南流入蜀江

噴雪泉 在府城西六十里相傳仙人呂洞賓  
遊憩於此以劍卓地泉水噴湧如雪

幸龍王潭 在府治西五里世傳唐幸南容爲  
祭酒托跡汴都嘗致書於鄉人曰城北門數里

有潭旁有古木即吾家也扣之必應持書者如  
所戒果有二童子出俄一丈夫繼之宛如汴都

所見邑人異之爲立廟歲旱禱雨輒應  
米山潭 在縣米山之西潭極深險舊傳有巨  
牛赤尾陰晦輒出傷禾稼人畜應使君除之塞  
其潭

丹井 有五一在府治後圃仙人李八百煉丹  
之所一在府東南四十里許旌陽煉丹之所一

在城西七十里晉丁義君女秀英煉丹之所一  
在城南七十里許丁王三仙煉丹之所一在上

高縣南二十五里許旌陽投丹之所

聖水井 在府治南蜀江觀二十五里法忍寺  
前半山之間寺先以汲水爲病許旌陽呪水投

此有愈疾之效故名今已堙塞

醴泉井 在府治舊三皇廟前甘美如醴  
白龍井 在府城東一十五里相傳昔有白龍

出此

葫蘆井 在府城西三里

新昌縣

五峰山 在縣西北一百里廣賢鄉上有歸雲  
積翠羅漢月桂佛崖五峯故名

桂林山 在縣東二十里舊傳陶淵明所居  
螺山 亦名列螺在縣西十里俯瞰螺灘雄峙

如螺有東列螺西列螺俗名贛山  
三峰山 在縣西五里其脉自十五里嶺過藍

田結爲縣治  
石臺山 在縣南二十里宋蘇軾蘇轍嘗遊此  
有詩

吉祥山 在縣北五十里一名瑞雪山唐悟本



禪師居此中有泉曰聰明下有吉祥院

尉山 在縣東七十里舊傳漢梅子真爲南昌尉上書言事不報遂攜妻子隱此

黃岡山 在縣西八十里山勢磅礴聳秀爲新昌諸山之祖廣邃巖阻

八疊山 在縣西北八十里許以疊嶂縱橫故名

黃蘗山 在縣西一百里唐宣宗微時遊方至此曾與黃蘗僧同觀瀑布一名驚峰山

按山 在縣南勢聳而秀氣聚而藏近郭羣山惟此爲勝

靈源山 在縣東六十里宋狀元姚勉家其下在天德鄉

石台山 在縣南中有清涼院東坡樂城嘗遊焉

鳳凰山 在縣北三十里層巒聳峻旁有仙人石

白雲山 在縣北四十里蘇子由集云僖禪師唐肅宗少子出家居逍遙場田甚廣經五代亂民盜耕之

折桂峰 在縣東門外其峰奇古聳秀俗呼火燄山每歲郡中多火後平其頂其災遂息

鹽嶺 在縣治南高出羣山下瞰邑市鱗鱗可數

三聖嶺 在縣東北五十里昔雪峰欽山岩頭三禪師所居之地因名

石門嶺 在縣東里人蔡疆鑿石開途以便往

來如門雙峙故名

金剛嶺 亦名萬松嶺在縣北五十里上有洞山寺後雲峰壇有悅聰禪師骨塔舊傳宋大中祥符間洞山寺僧種松萬株於此山每種一株誦金剛經一卷故名

倉庫嶺 在縣東南五里姚鉉葬其地

大姑嶺 在縣北八十里與八疊山相連高二十里通寧州爲縣之關隘上有剪形仙姑石舊有巡檢司

黃茆嶺 在縣北二十里脈自章平山來上有楓樹三株大丈餘雲氣磅礴絕嶺鑿石通道吳楚

連香嶺 在縣西六十里接袁州萬載縣界

北嶺 在縣東北七十里峰巒萬疊中有瀑布

五鹽嶺 在縣治東南合鹽泊鹽州鹽池鹽溪鹽步爲五邑號五鹽

赤珠岡 在縣東出紅珠

夜合石 在縣之東北今不復合舊傳其日開夜合

顧淵石 在縣西南三十里半入凌江嶙峋高聳爲縣之水口山下有深淵故名或云此石回顧邑治又名顧縣石

仙人石 在縣北四十里上有仙人足跡

龍泉洞 在縣西十五里禪慧寺旁俗傳其源出離相院穿地十里乃出流於溪宋崔鵬曾遊此有記

九宜洞 在縣西北鹽溪之中有靈石自成峯

巒水洞可觀雲氣上浮則風雨至

釣月灣 在縣南綠秀山下延福寺之右有石屹立於滄波之中有空烟亭

清灣 縣之綠筠書院前

小斜川 在縣治西南景物幽勝縈回曲折入於鹽溪宋僧覺範以其風景類潯陽故名元典史羅思敬構亭於上

鹽溪水 在縣西一名若耶溪自分寧縣界發源入上高東流入蜀江

濯湖 在縣東二里世傳許旌陽嘗濯衣於此至今水清澈不受污濁

西溪 自寧州發源至縣一百五十里回繞而東入上高

方唐溪 在縣西黃蘗山發源流入上高

秀溪 今查溪是也陶淵明棲息之所陶修居此

落星池 在縣南三十里相傳昔有星墜於此遂成池旱不涸澇不盈

洗墨池 在縣東二十五里晉陶淵明嘗於此洗筆硯池上又有淵明讀書堂

乳泉 在縣西一十里其水五色光瑩白者如乳

羅漢泉 在五峰山石崖飛瀑上有羅漢像橫臥水際

虎跑泉 在縣北一百二十里黃蘗寺相傳昔有虎跑地裂泉水湧出

上高縣



屏山 在縣東五里其勢連互若屏

白馬山 在縣北一十五里舊傳嘗有白馬齧

草於山頭人至輒沒鄉人異之因名

寶雲山 在縣南二十五里嵌巖及蝶靄翠龍

葱中有僧廬曰寶雲院又名寶蓋山

靈峰山 在縣南二十五里舊傳每風雨晦暝

之夜山有赤光其大如斗號曰金鷄山人以爲

神卽其頂立靈峰廟

蒙山 在縣南三十五里方輿記云峭壁橫嶮

常有白雲靄蒙其上宋慶元六年有銀鈴坑

冶後置提舉司因礦絕遂廢

末山 在縣西六十里東連九峯唐人云輾映

迴合迴出雲末故名宋阮閱往知袁州道經此

有詩斜陽騎馬末山隈淡碧晴空雁字同一片

愁懷似黃葉晚風吹送九峯來

鏡山 在縣東二里其山有三端圓如鏡中一

徑通行者兩山對峙如關門說者謂上高縣之

後照

櫟頭山 在縣西一百里抵萬載界

桃源山 在縣西卽大王嶺之巔巋然如屏春

月萬花爛然幸元龍號曰人世仙境西有西嶺

三峯聳拔狀若筆架南有天嶺行者若登天然

北有大王嶺石峯插天

萬石蒼山 在縣曲禮里之水口高數十仞大

可數百圍其石紫而光潤四源十坑之水皆潞

於石蒼之下而東石蒼之外有圓峰十餘如貫

珠焉

顧城山 在縣西北十五里相傳昔有顧王都

其上每歲仲冬鄉民相率祀焉

九峯山 在縣西五十里末山之東有靈龜洞

羅漢洞其峰有九曰雲末飛雲香爐翠霞蒼玉

芙蓉清流蛾眉天竺宋蔣之奇詩綠澗攀崖入

翠霞寺僧猶記舊鍾家芙蓉秀出天河外我欲

名爲小九華

多寶峯 在縣南三十五里宋慶元間有銀鈴

發瀉故名

靈峯 在縣南二十五里舊傳每風雨晦暝之

夜山有赤光其大如斗號曰金鷄山里人以爲

神卽其頂立靈峯廟

教嶺 在縣北三里又名教峯方輿記云卽昔

晉教真人得道之所煉丹之跡猶在上磨劍

石

天嶺 在縣西二十里其嶺最高行者若登天

因名

寶珠嶺 在縣南三十里世傳道明禪師自庚

嶺來卓錫夜以寶珠光照十方故名

謝君嶺 在縣西六十里高數百仞舊傳萬載

縣人謝仲初常尋真躡其巔卽今大烏尖

蓬萊嶺 在縣西北七十里草木叢茂盛於他

所

黃鳳嶺 在縣西九十里俗傳昔有黃鳳集於

此

蒙巖 在縣蒙山下有二石洞相望數百步人

以上下洞名之能出雲爲風雨上洞不可遊玉

沼當戶俯視端焉下洞虛豁其廣函丈深不可

究中有僧佛石象及獅子座之類流泉涓涓出

於石竇歲旱邑人禱雨挹泉以歸謂之聖水又

有巨石屹立巖間上下無所附謂之無根石

荔枝巖 亦名龍崖在縣九峰寺之前有石盤

上生石其形儼然荔枝有洞曰龍洞

旺賢岡 在縣北二里一名黃田岡按係學宮

國義塚於龍

舉子岡 在縣西六十里千春北鄉唐進士易

重居此因名

天則岡 在縣西六十里土高一丈八尺岡南

有遺甃故碑俗云古帝王墓

紐源蒼岡 在縣南二十五里法忍寺北許旌

陽嘗煉丹於此山湫有蛟魅護爲淵藪輒作洪

水衝漂丹室眞君遣神兵擒之釘於石壁寺前

有煉丹井上有行祠產無名子

四基洞 在縣南一百里洞基占四縣界故名

有棲眞寺舊址高廣尋丈中石磴平坦可坐數

百人

眞遊洞 在縣西四十里潤滄泉之側洞極深

廣亦有佛像石乳及石棋局遊客往往棲息其

上

羅漢洞 在縣西五十里聖果寺側深邃可遊

有塊石形如羅漢像故名

鄧敖二仙洞 在縣西四十里相傳鄧敖二眞

人於此修煉因名

慈光洞 在縣西四十里緣梯而下始有門可



入昔有民逃於此壁間有云唐乾符二年黃巢作亂在此逃避

仙聖洞 在縣西五十餘里有石佛石鐘等類

四溪洞 在縣西八十里棲真院側前有一石佛洞深數里後有穴可出

龍王洞 在縣南百里茅岡有泉流出早晚黃濁與潮候相應有石可坐百人

金石 在縣蜀江中上有三丫司馬頭陀鈴云金石口開丞相出

羅漢石 在縣東羅漢院側相傳江漲則隨水而長嘗有羅漢見形於此

葫蘆石 在縣南一十五里豐下銳上狀若葫蘆

仙姑洲 在縣西六十里俗傳有仙女經此每水泛洲隨水長

鷓鴣洲 在縣羅漢石之東正當縣之水口地鈴云鷓鴣洲合狀元生

八疊洲 在縣境

凌江 在縣南發源袁州之萬載八疊山於龍河渡東流分脉經縣城與滕江合流入於章

滕江 遶縣治會凌江入於章

斜口水 在縣西一十里源發蒙山入蜀江

章樹潭 在縣治西淵靜澄澈爲巨鱗窟宅漁人善沒者亦不能窮其底又名學潭

武泉 在縣北十里泉深莫測溢爲沼中多鱉鯉俗云不可食取食輒死上有東晉皇甫武將

軍故泉以武名

普潤泉 在縣西十五里亦名貫珠泉其泉自石竇迸出莫窮其源循其石崖爲平地方十丈雖旱不涸

巖洞泉 在縣南三十五里溉田甚廣界抵新喻

蒙山瀑布泉 在縣東南分兩派一出修仁橋一出官山橋

靈井 在縣西東嶽行廟之側相傳有疾者禱飲之即愈



欽定古今圖書集成方輿彙編職方典

第九百六卷目錄

瑞州府部彙考二

瑞州府山川考二

府志未詳山川  
水利附

職方典第九百六卷

瑞州府部彙考二

瑞州府山川考二

府志未詳山川

高安縣志

鉢孟山 在大愚山相對

高湖山 在府西北七十里自漢已有仙壇在

絕頂遇旱祈禱多應

青山 在縣西南六十里

三建山 在縣治西南七十里

遼山 在治西南四十里山巔有唐末楊權二

將軍廟時二將軍奉詔索劉侍郎偵其賢且爲

讎者所劫不忍索遂登山觸石而死鄉人義之

立廟祀焉

連山 在治東南七里

招山 在治東五十五里

員嶠峰 在治南八十里嶺南卽清江界

碧雲峰 在治西南八十里上有雷祖殿殿側

有所夢館遠近至者無不響應

洪石峯 在治西八十里

尖峰嶺 在治西北四十里上有峭石有隱士

峭石黃堂遺跡

眞武嶺 在治西北張坊鎮旁有龜蛇山

筆峰 在府學前石鼓嶺

主嶺 在治西北與華林相近有南北嶺三寶

嶺少南曰南山明正德七年官兵分屯於此以

討華林諺云若要華林敗三寶去立寨

李家嶺 在治西北六十里下有石洞

湖碑嶺 在治西北五十里山下有港係三十

都總河口搬運漕糧水道

余博嶺 在治西北近丁坊

蔭岡嶺 在治西南七十里有墟市設巡檢司

今裁

曦嶺 在治西南三十里

琴嶺 在治南三十里上有仙井大旱不涸俗

傳丁王二仙藏琴於此

象道嶺 在治南荷山側舊傳王子喬駕象所

經處

白仙嶺 在治東北招山邑人陳儒建我白山

房於後

清潭嶺 在治東南三十里

祖師嶺 在治東南三十五里上有雷祖廟

京岡嶺 在治東宋勅葬楊繼祖建白蓮寺祀

奉香火

神前嶺 在治西南三十里

團軍岡 在治南荷山之旁

雲岡 在治西二十里左右有蘭塘前有掛榜山

長樂岡 在治東南十五里

白竹岡 在四十二都

五雷出洞 在治北六十里三十都陽坊羅地

仙跡石 在調露鄉

鈎刀石 其地名鈎刀有金甲神廟甚靈顯鄉

民祈禱焉

鮎魚洲 在縣東二十五里當錦江水口之衝

中流突起竹木繁廻春夏水溢洲隨水長秋冬

四週白沙如雪上有樓閣可供遊眺

下湖 在南石橋之西

陳家湖 在水南稍東市河經其中

菱湖 在易俗鄉以湖饒菱荷故名

小湖 及上中下三湖皆在信義鄉

平湖 在治南十五里有四景東林寺鐘西隴

牧笛鷺橋飛跨鵝峯聳漢

放生池 宋守陶夢訓移於水南後人築亭其

上題曰鳶飛魚躍之所

紅菱池 在鍾秀門故學產也爲民所侵明正

德八年知府鄭璠因重修府學稽舊籍復之

私溪 在調露鄉天德鄉之水匯焉經坡山瑞

仙橋至巖上港口入蜀江

斜溪 自蕭坊發源經斜橋樟樹橋會梅口入

蜀江

梁家溪 在水南東二十里

吳田瀑布泉 在治西北馬鞍嶺內

圳泉 在治南八十里城南村



狀元泉井 卽舊貢院井在縣學戟門左井上有亭歐陽世善扁曰天一重清明天啓丁卯敎諭劉國祥有賦

龍見井 在縣學內明知縣葉應乾訓導郭文煥清復侵地浚此井以便汲

義井 在錦水坊泉味甘洌大旱不涸

丁姑丹井 在調露鄉崇元觀側

黃仙井 在祥符觀前二里許

七星井 在玉虛觀孫智諒遺跡

斷水 舊傳在治北五里應使君叱水斷流因名東至架口橋入蜀江

鍾口水 在治南三十七里發源荷山入蜀江

梁時人於此得鐘

龍溪水 在治西南五十五里北流入蜀江

分口水 在治西南十二里其源發於易俗鄉

東入蜀江

藍陂水 在遼山之下上有鵝池橋下有石水

橋

龍陂水

發源米山出務農鄉至高郵市入蜀江

江

湧橋水

在治西北二十里東流至梅口入蜀江

江

青石橋水

在治南五里流入蜀江

新昌縣志

綠秀山

在治南一都爲縣治之案故又名案山

院  
章平山 在縣西北三十五里五都瀑泉穿石飛雪數仞  
志畱山 在縣南三十里十一都舊傳梁誌公駐錫於此故名下有定慧院  
擎山 在縣東北三十里十七都勢若擎雲  
清涼山 在縣東七十里二十六都  
郎山 在三十都  
逍遙山 在縣北八十里三十一都  
中峯山 在四十一都  
高爐峯 在城東北五里二都形若香爐  
柏葉嶺 在治西南三里一都上有駐足亭  
匾嶺 在縣北五里二都  
西原嶺 在縣北五里二都  
曹家嶺 在縣北十里三都  
木黃嶺 在縣北二十里四都山多石草木萎黃故名  
長崙嶺 在縣西四十里四都  
狗骨嶺 在縣西北四十里五都  
義鈞嶺 在縣東四十里十七都  
宜風嶺 在縣南十一里十一都  
延慶嶺 在縣東北七十里二十七都  
寨嶺 在縣北三十里十七都一名大嶺  
彭祖嶺 在縣北五十里三十二都  
沿坑嶺 在縣西三十里三十八都  
老鴉石 在縣北二十五里三都有憩石亭以休行旅焉

張果老石 在縣東三十五里二十二都  
黃蓮洞 在三十都  
周隱洞 在縣北二十里三都又曰桃花洞又曰雷孚洞澗壑深邃  
新豐洞 在三十都又稱洞山  
天隱洞 在三十七都俗呼仙隱洞又名靈巖石像甚奇前右折百餘步有石巖青質白理隱成佛字拭之愈顯  
柘木岡 在縣東南二十五里十五都  
聚龍岡 在縣北四十五里三十二都  
蔡家尖 在縣東北一里二都  
南山尖 在縣西北三十里五都  
雙丫尖 在縣西北三十里五都  
七寶尖 在縣西南二十里六都  
毘岡 在縣西南三十五里十一都  
相公堆 在縣東六十里二十八都宋晏殊幼時戲此故名  
古陽砦 在縣北六十里三十二都山勢深峻  
石牛砦 在縣南二十里六都有石形類牛俗傳夜食人稼雷擊其首  
食粥坪 在縣東十里十三都宋岳飛駐師於此居民糜粥餉軍故名  
蕉溪 在縣東三十里二十都  
東溪 有一一在邑東北二十都一在邑北三十都  
宜豐溪 在縣東七十里二十三都  
儒溪 在縣北四十里三十三都



伏溪 在縣北四十里三十四都

潮溪 在三十九都

德溪 在縣西四十里四十一都元至元間里

人黎道成結菴溪畔讀書好義荒年出粟以濟

貧乏鄉閭德之因以名溪

葛江 在三十都

棠浦江 在縣東四十里十九都太平鄉諸水

合於此經上高出安塘河口入蜀江

芳塘江 在縣西四十里三十八都合廣賢鄉

諸水由楊木港口入蜀江

長神江 在四十都

東陽井 在浴德池之左久塞康熙四年知縣

黃運啓開而名之水更清冽

考功泉 在三十都以邑宰邢倚考功故名

聰明泉 在三十六都吉祥山唐僧悟本飲之

禪機忽悟故名

縣眼池 有二一在積善橋之左一在積善橋

之右

浴德泉 在城隍祠右齋宿亭前池久淤康熙

中重濬

白竹港水 自高嶺發源以至港口入江

祿陂洲 在縣東南舊儒學之左

雲峰嶺龍潭 在二十九都

元道觀龍潭 在三十都

黃葉山龍潭 在四十都

上高縣志

報馬山 在縣西七十五里地名田心

高峴山 在縣西十七里

插笏山 有插笏之勢故名

大官山 在縣西南五里許有烏峰

小水山 在縣西八里西南連於天嶺橫長七

八里許起伏如浪

柘湖山 在縣五里山下坦夷鄉人咸栽柘以

飼蠶遇蜀江水漲瀾漫如湖故名

石渡山 在縣東北五里

浪山 在縣東二十里許

安山 在縣北十五里

萬松山 在邑前即見金剛嶺

石龍山 即今成鋼山在邑西五里灣

高規橋山 在縣黃村團

茶花山 屬堆頭晏姓祖塚在焉四至俱界新

昌

觀山 在縣治北十步况姓屋後登之可望數

里

鷺峯山 與新昌相界有異僧來因見此山曰

甚似吾國中靈鷲山因名

蟠龍山 在縣東二十里許

鐵索山 形有九十九股在縣西二十里許山

左黃潭江深莫測相傳有龍宮焉

雞籠峯 在縣南三十里之蒙山

烏峰 在縣南七里上產烏藥故名

梅峰 在邑二十五里地名梅沙山上有梅峯

廟禱雨輒應

章嶺 在縣西五里

刁嶺 在邑西六十里

寨嶺 在縣南二十五里

吳王嶺 在邑西千春北鄉又名梧桐嶺

戒香嶺 在縣西四十里許界抵分宜

赤溪嶺 在縣西五里

潭埠嶺 在縣五里

仁源嶺 在縣西十二里石陂水發源其下

山湖嶺 在縣南五里與大官山相連

簞石嶺 在縣西之望蔡下鄉石人嶺相連

義城嶺 在縣東二十五里許圓光寺前

漢嶺 在蒙山有普蓮堂

烏鴉嶺 寫葛步界自本山至蒲城俱樂部來

龍

石嵩嶺 在縣西六十里許嶺有奇石聳如嵩

嶽故名

路藍坑口嶺

蟹坑石嶺 俱在縣北四十里景竹團

紙錢嶺 在陽和二嶺俱蕭坊

七星啓子嶺 在樂城團

臥閒岡 在縣東一十五里

坐禪石 看經石 在蒙山唐道村

白面石 在縣東二十餘里江流迴洑上有白

石其形儼如人立故名

觀音石 在凌江

獅子石 在義城下袍泉

荔枝岩 亦名龍岩在九峯寺之前有石盤上

生石形如荔枝有洞曰龍洞



三峰巖

老虎洞 在禮黃上鄉之寧泰園其山勢廣闊

坡陀而深

帝陂洞 在縣西三十里興福寺側

雷洞 在九峰寺之西南

斗鼻洞 在境山之麓中有泉水常流

塔泉洞 在邑南三十里

密村洞 在縣西之十五里章江嶺下

喜塘洞 在邑西望蔡上鄉洞中深邃有甘泉

寶出不竭

上覽洞 在德義下園

南港洲 在縣東二十五里

萬家洲 在縣東二十五里舊在蜀江之中今

與北岸相連

佛塘洲 在縣東八里瀕蜀江之北岸長一里

許

控頭洲 在縣西蒙安之流桑棗園築其上

荆藍湖 在河南岸登瀛坊一名鴛鴦池俱屬

民

鳳潭 在縣西五十里許九峰寺北雲末峰之

下

城溪 在縣之東南二十五里許發源於寶雲

嶺東北流經全安華陽地亦入蜀江

鏡溪 在縣東三里許發源三鏡山南會花園

窩溪東至石家渡入蜀江

蓋樂水 在縣西南一百二十里乾陀嶺發源

東北流經永平後塘至紫府口入蜀江

白竹港水 在縣西北四十里發源新昌縣高

嶺之南流入蜀江

靈江水 在縣西北十五里發源新昌縣天竺

山南流經縣河西入蜀江

山湖橋水 在縣東南五里發源自黃村團普

潤泉東北經勞松園石埠頭合元豐橋之水至

山湖橋入蜀江

水利附

府志

本府 高安縣附郭

大塘 廣一百五十畝流蔭田二十頃載糧六

石八斗

大泊堤 在東岡腦西抵平湖附近居民修築

喻方堤 在二都明崇禎間知縣蔡國光全邑

人梁維新立

新豐第一鄉陂塘一百四十

堰渠 在六都十一圖地名安居有古堰許瀾

溪下分潘婆圳口二溪華塘有華溪下前保

新豐第二鄉陂塘二十七

崇本鄉陂塘湖四十二

洪山鄉陂塘湖四十二

易俗鄉陂塘湖二十九

仁孝南鄉陂塘湖二十七

仁孝北鄉陂塘湖五十二

宣政鄉陂塘二十七

務農鄉陂塘二十三

歸厚鄉陂塘湖二十二

永壽鄉陂塘湖一十七

來賢鄉陂塘一十八

旌義鄉陂塘圳一十六

豐安鄉陂塘一十二

萬碩鄉陂塘一十三

萬碩塙 在四十一都歲久傾圮居民水旱苦

之後加修築潦則障水以免河決旱則蓄水以

資灌溉流蔭塙田共計數百餘頃

調露鄉陂塘七

大陂

山石陂 辛姓修

官陂 丁坊李口同修

羅橋陂 羅姓流蔭發源周山

小陂 洪山水圳 荆田羅姓修

井陂 發源山柿

沙陂 在三十都井塘

火燒陂 發源黎家嶺

界埔 在務農鄉虬嶺之西樟樹壟向因清丈

上高奉新爭界康熙八年立碑東至黃柏石橋

大路西至高安鳳凰嘴墳山下南至小港北至

高安園公嘴山并莊基為界

鷄湧陂 在三十七都舊在獅子山下後善士

汪廷朴買田改下流蔭數百畝至今賴之

新昌縣

上祿陂 在縣北螺灘之上

下祿陂 在舊學前灘左右石橋之上元學前

橋之下自對岸為渠引水經冷家車相公塘山

後鹽嶺背大橋頭黃陂直至礫口



大和鄉陂三十三座塘一十五口

宣風鄉陂六十二座塘二十五口

義鈞鄉陂五十三座塘四十九口

新安鄉陂三十七座塘二十二口

天德鄉陂二十四座塘五口

太平鄉陂一十一座塘四口

天寶鄉陂二十六座塘九口

廣賢鄉陂八座塘五口

上高縣

蒙巖洞泉 在大蒙山之脊卽今禱雨之處泉

流洞底出庵前田至香爐峰下有窟暗消流不

知所向凡縣南水利皆其源也

大瀑布泉 泉分二派一注爲蜂塘一注爲蕉

塘又分爲四口蔭山前田

烟竹凹泉 按泉古志不載知縣陸時雍令寺

僧報入泉甚甘冽

監水溝 水出蒙山順流無田承蔭明弘治八

年早有團民廖高松胡治國倡作堰挽流逆蔭

至布張港計四百餘畝

大泉陂 在馬湖將軍廟前源從分宜高家山

鯉魚石出下流歷短陂經北里入梅沙江灌田

甚廣迤南陂水皆本諸此

短陂 亦在馬湖

石羊陂 在石楊嶺下

姜陂 因地爲名

大甘陂 在甘口山下

上藍陂 在墻下

下京陂 土名須田已上六陂皆通大泉陂之

水流蔭田計五千餘畝

尚陂 在上梅地各上會發源烏龜洞流至鷄

堆坵灌田三頃地腴利厚

澗山陂 接尚陂水蔭至蘆前港在上梅廟之

前

蘇洲陂 土名下梅亦接澗山陂之水蔭至江

口

新陂 土名須田近南里洪水衝倒未修

大成陂 受新陂之水旁多小溝引入林叢屈

曲如畫溉田甚多在宋家莊流至下梅

社陂 在南邊樞頭村

火燒陂 在樞頭村按二陂舊志不載茲因歲

早考水利入之水源出猿嶺下蔭至新橋頭至

水口

沾澤陂 在滁山曹王寨土人相傳寨係湖賊

李成所結爲宋岳武穆克破之卽此山上有小

姑廟今廢或云岳武穆集民兵禦賊之處也

泉塘 土名北港廣一畝有細泉蔭田二十畝

泉塘 在下梅井邊黃瑞卿舍南方一畝五分

有石巖水出因歲早攷水利入之

黃總井 在歷山下遠坑蔭至羊坑田舊志未

載因歲早考水利入之

福陂 在除潭上

尹陂 在梅沙村

黃陂 在紐源

雲陂 土名坊上按四陂福陂居上尹黃雲則

相次遞福陂水者也受蒙山下流汪洋湛碧支

消穿繞林屋有武陵九曲之態溉田一千五百

餘畝歲旱不涸居民賴之

簣塘 在前山下李姓舍旁方廣六十畝夏荷

花盛開藕小可食味亦不減湖產蔭田二頃餘

烏塘 在莊里近易止元家方廣一十六畝蔭

田二頃

黃塘 在形嶺方廣計八畝蔭田一項五十畝

潮坑 鄰黃村界延袤二百餘畝環坑皆山春

夏受諸山之水如潮故名旱則涸類東吳沙洲

蓋神腦泉洩之也旁無田與民不相益故舊志

不載然黃村勞松水利本諸此

鄱官孔 在新塘天嶺下水遠至帶源衆家陂

利亦溥民有塞孔上流逆蔭已田者今攷正之

蛟塘 在紐源村袁姓者舍旁方廣四畝相傳

有蛟出其寶故名

石塘 在新村楊家邊山塘之旁方廣五畝蔭

田六十頃

家陂 在梅沙江上承蒙山泉蔭田二十頃西

流二十五里由蒙安斜口入蜀江

衆家陂 在帶源受鄱官孔水也衆修共蔭故

名

唐陂 按忠義雲陂之水卽蒙山發源者灌田

一項有餘流至楊古灣出兩江口泗溪橋

黃土陂 下分陂 郭陂

吳陂 右四陂相次接孝義帝陂之水卽發源

米山獅子嶺由傍陂雷陂來者下分陂以洪水



衝成潭難修乃取郭陂之利四陂約共灌田四頃下流注於蒙安下均陂橋

白竹塘 在臺石山方廣七畝中有泉兼受臺

石山水灌田至稗堆約五頃入吳陂

合塘 方廣二畝五分有泉孔兼納嶺塘山水

灌田二十八畝流遶虎帶山入均陂

邢家塘 方廣四畝有細泉受兩邊山水灌田

可五十畝流出地名唐家田

增下坑泉 在本處窟約四分水湧出從社山

下車蕩口歷邊壘山出江陰田三百畝

均陂 在蒙安上團土名夏家坊源出米山歷

吳陂來灌田二十一頃下流出兩江口

斜陂 在熊家坊接蒙山之水年遠久不修築

矣

天岡塘 在泥坑口方廣五畝四周受浪山水

灌田四頃五十畝

義塘 在密村土名利坑口方廣十二畝源自

梧桐坑來灌田二頃

楊林塘 土名袁坑計二口方廣一十六畝上

接小塘水流出塘下灌密村田四頃九十畝

楊古灣泉 從江岸下出岸高不能灌溉於民

無益又號大廢泉然春夏不竭合蒙末至斜口

入蜀江

舟陂 今廢

高家陂 斜口陂

沈家陂 以上俱廢

王家陂

黃家陂 以上陂車七座臨蜀江舊志載溉田

共二十餘頃存者王家高家二陂餘俱廢

朱公陂 上蔡團爲界

白茆陂 在裏陂上以上二陂受蒙末之水今

俱廢

裏陂 接茅陂受蒙末之二流水勢衝激難成

易壞下有巉石陂成灌至黃村遶河南岸出勞

松山湖橋舊志謂蔭田四十五頃蓋利之最溥

者

柏樹陂 上距裏陂半里許以裏陂廢故得承

其水而利之

羊牯腦陂 在柏樹陂之下以沙洲塞北上流

水狹緊難修然沙洲亦爲壑而自利也下卽斜

口橋

澤湖 舊志云湖在縣南七里方廣五畝有灌

溉之澤故名今攷之已失其故處

楊塘 在龜山下方廣三畝灌田三頃水出白

茆陂

山源塘 在浪山下坑中方廣三畝灌田二頃

曾家圳 受裏陂水直遶轉河南岸出山湖今

陂廢而圳亦爲人所侵者甚多蓋縣南附郭之

利惜裏陂廢缺易崩而虛此圳也

後坑山背泉 在戴家山後有孔流成溝至窩

前蔭田五十畝

雷西窩塘 有小泉方廣五分其水可蔭田十

畝

普潤泉 在縣西十五里章岡自石洞流出莫

窮其源灌田數百頃土人又呼爲貫珠泉

神腦泉 出忠義下潮坑自鴉磯石流出內有

龍潭深不可測水冷如冰與普潤相通

鴉磯石泉 在神腦泉之上潮坑之下水集處

團民今買旁田開濬之古志不載今因歲旱攷

水利入之

大泉窟 隔普潤山之北源小亦可灌田知縣

陸時雍因勘旱災經此令里老報入之

白家湖塘 塘方廣二十餘畝在西關口旁皆

河南北岸田蔭田二頃

渚濼塘 方廣一畝六分坐落忠義下團聚山

蔭田內黃村喻姓者得買八分餘皆忠義下熊

家管業

菴前墻 在亭口

易湖陂 在堆上

石陂 在沿塘

七步陂 在黃土岸接三陂相連水出蒙安下

密村小水經董家橋修築之工省易蔭田可三

頃餘

石陂 土名下林其水由洞中流出成一小溪

灌田數頃至勞松下團入蜀江洞口俱河南岸

潘姓田其陂卽潘佃修築

淋陂 土名石埠頭發源忠義下團潮坑水合

黃村普潤泉由下林石洞流出灌田八頃

龍王洞 洞在茅岡與全安下唐良團貴溪嶺

相連古志云有泉流出早晚黃濁與潮候相應



流至楊林橋合石陂小江水至官陂土塘陂潭埠橋入蜀江蓋勞松下鄰團之利也

壑湖 在柘湖地極卑下四周田百餘畝春夏多澇栽插後時秋雨少間悉成焦壤里人以爲憂有甘棠者因其窪出已田六畝開爲湖由是澇有洩旱有灌西成可望人甚便之

官陂 水出上茆岡龍王洞流至楊林院黃泥堰合石陂水陰田五頃利亦溥出潭埠橋入蜀江

土塘陂 卽官陂之下流也陰田二頃

篠頭陂 源出黃村普潤泉流入石瞰山至石埠淋陂合元豐橋水陰田四頃出山湖橋入蜀江

小境陂

水接全安下黃岡陂亦里山泉也陰田二頃在地名橋陵下出石井橋入蜀江

里山小泉 在上港桃源山下有泉孔經印塘下出陰田十頃流入落鞍港

大造塘 土名塘上方廣二十畝在山坎下蓄水古志止五畝意者有人占之故報少耳今屬田北王家修築養魚陰田二頃餘

小石塘 土名橫坑有泉方廣四畝出虎檻橋利山小泉 王姓修築南陂源落至石山廟口桶棹泉 土名稷田流槐杜嶺香爐山冲尾泉眼方丈餘出王姓田流甚大一路水道經土山石山之山脚高坎古開有深石水圳三里餘流入槐杜坑陰稷田二百餘畝屬田北下王姓泉塘 土名王家埭下方廣十畝流出南港里

老已迷其故處

赤塘 土名桃源山下有小泉方廣五尺在泉塘之上發源里山泉下流出小境山

印塘 地名塘上按舊傳塘內有石如印故名旁有石人士民因石人聚小鳥啄魚稻故去之有印尚存今湮爲田有石橋出小水入南港或云此地前有顯者以石人在故也

石曹坑水 水出宜春山卽舊志謂乾陀嶺發源者是也其流甚長灌田亦廣由末平後塘至離婁橋入大江古志謂紫府口疑卽洪口也

黃土陂 舊名院前陂

小水陂 二陂接石曹坑之水中有水碓下流至末平團鄱官陂復入益樂至斬陂灌田五頃

斬陂 上接永平鄱官陂之水陰本團及百歲界田共百餘畝

陰陂 土名芒頭接斬陂之水流至離婁橋洪口入蜀江

清溪泉 泉出宜春清溪嶺下可通小舟溉田百餘頃故以潤名今攷之泉在山下水入鄱官陂合曹坑之水至離婁橋入江則可通小舟之語應在橋之下然亦春漲有之未必謂泉之側也

帶源洞水 在簞坑有泉自孔出分流三支中有中江堰左至仇家門首右至鍾家屋後共陰田三頃故號爲仇湖莊

丘郎陂 接益樂鄱官陂之水灌田計二頃復流入益樂斬陂通連橋義江古名丘浪今俗呼

爲郎亦音字相近也

鄱官陂 在益樂末平相交界上蓋益樂地狹橫貫益樂故陂屬兩處也

界塘 方廣三畝有泉孔灌田一項其流入郎陂

菰塘 方廣三畝有零受諸山之水灌田一項下通義江黃土陂

三師塘 方廣三畝灌田一項餘近浮樓嶺

利塘 方廣四畝有泉孔灌田一項餘至社村山界

清口塘 方廣一畝灌田五十畝下流至欽仁石陂洪口入蜀江

小吉塘

方廣二畝灌田五十畝其流入郎陂

蟾塘 方廣一十八畝有孔灌田至社林壇下計一項餘皆黃姓下族者業源流入交濟橋

林塘 方廣八十四畝陰田三頃八十畝入欽仁界今亦產蓮藕

社林陂 其源卽萬載浮樓嶺所發者經斗門陳家陂崩石界下東流至陂灌田三頃

陰陂 受益樂之水灌溉至義江計三頃流至後塘團黃土陂入離婁橋

土陂 楊林陂

板陂 以上三陂亦受離婁橋之水也陰田至榨前埠籠內西田社山下計二頃

東陂 受後塘蚊墳水灌田至五聖廟背出義江

左金塘 方廣八畝無泉灌田至早禾埠一項